

Vertical inscription on a damaged strip of paper or parchment, likely a title or reference. The characters are highly obscured by wear and tear.



妙法蓮華經藥草喻品第五三
尔時世尊告摩訶迦葉及諸大
弟子善哉善哉迦葉善說如來
真實功德誠如所言如來復有
無量無邊阿僧祇功德汝等若
於無量億劫說不能盡迦葉當
知如來是諸法之王若有所說
皆不虛也於一切法以智方便
而演說之其所說法皆悉到於
一切智地如來觀知一切諸法
之所歸趣亦知一切衆生深心
所行通達無礙又於諸法究盡
明了示諸衆生一切智慧迦葉
譬如三千大千世界山川溪谷
土地所生卉木叢林及諸藥草
種類若干名色各異密雲弥布
遍覆三千大千世界一時等澍
其溼普洽卉木叢林及諸藥草

小根小葉小枝小葉中根中葉
中枝中葉大根大葉大枝大葉
諸樹大小隨上中下各有所受
一雲所雨稱其種性而得生長
華果敷實雖一地所生一雨所
潤而諸草木各有差別迥葉當
知如來亦復如是出現於世如
大雲起以大音聲普遍世界天
人阿脩羅如彼大雲遍覆三千
大千國土於大衆中而唱是言
我是如來應供正徧知明行足
善逝世間解無上士調御丈夫
天人師佛世尊未度者令度未
解者令解未安者令安未涅槃
者令得涅槃今世後世如實知
之我是一切知者一切見者知
道者開道者說道者汝等天人
阿脩羅衆皆應到此爲聽法故
爾時無數千萬億種衆生來至
佛所而聽法如來于時觀是衆
生諸根利鈍精進懈怠隨其所
堪而爲說法種種無量皆令歡
喜使得善利是諸衆生聞是法
已現世安隱後生善處以道受

樂亦得聞法既聞法已離諸障礙於諸法中任力所能漸得入道如彼大雲雨於一切卉木叢林及諸藥草如其種性具足蒙潤各得生長如來說法一相一味所謂解脫相離相滅相究竟至於一切種智其有衆生聞如來法若持讀誦如說修行所得功德不自覺知所以者何唯有如來知此衆生種相體性念何事思何事修何事云何念云何思云何修以何法念以何法思以何法修以何法得何法衆生住於種種之地唯有如來如實見之明了無礙如彼卉木叢林諸藥草等而不自知上中下性如來知是一相一味之法所謂解脫相離相滅相究竟涅槃常寂滅相終歸於空佛知是已觀衆生心欲而將護之是故不即為說一切種智汝等迦葉甚為希有能知如來隨宜說法能信能受所以者何諸佛世尊隨宜說法難解難知爾時世尊欲重

宣此義而說偈言

破有法王出現世間隨衆生欲
種種說法如來尊重智慧深遠
久嘿斯要不務速說有智若聞

則能信解無智疑悔則為永失

是故迦葉隨力為說以種種緣

令得正見迦葉當知譬如大雲

起於世間遍覆一切慧雲含潤

電光晃耀雷聲遠震令衆悅豫

日光掩蔽地上清涼變變垂布

如可承攬其雨普等四方俱下

流澍無量率土充洽山川險谷

幽邃所生卉木藥草大小諸樹

百穀苗稼甘蔗葡萄雨之所潤

無不豐足乾地普洽藥木並茂

其雲所出一味之水草木叢林

隨分受潤一切諸樹上中下等

稱其大小各得生長根莖枝葉

華果光色一雨所及皆得鮮澤

如其體相性分大小所潤是一

而各滋茂佛亦如是出現於世

譬如大雲普覆一切既出于世

為諸衆生分別演說諸法之實

大聖世尊於諸天人一切衆中

而宣是言我為如來兩足之尊
出于世間猶如大雲充潤一切
枯槁衆生皆令離苦得安隱樂
世間之樂及涅槃樂諸天人衆
一心善聽皆應到此觀無上尊
我為世尊無能及者安隱衆生
故現於世為大衆說甘露淨法
其法一味解脫涅槃以一妙音
演暢斯義常為大乘而作因緣
我觀一切普皆平等無有彼此
愛憎之心我無貪著亦無限礙
恒為一切平等說法如為一人
衆多亦然常演說法曾無他事
去來坐立終不疲厭充足世間
如雨普潤貴賤上下持戒毀戒
威儀具足及不具足正見邪見
利根鈍根等兩法兩而無懈倦
一切衆生聞我法者隨力所受
住於諸地或處入天轉輪聖王
釋梵諸王是小藥草知無漏法
能得涅槃起六神通及得三明
獨處山林常行禪定得緣覺證
是中藥草末世尊處我當作佛
行精進定是上藥草又諸佛子

專心佛道常行慈悲自知作佛
決定無疑是名小樹安住神通
轉不退輪度無量億百千衆生
如是菩薩名為大樹佛平等說
如一味雨隨衆生性所受不同
如彼草木所稟各異佛以此喻
方便開示種種言詞演說一法
於佛智慧如海一滴我雨法雨
充滿世間一味之法隨力修行
如彼叢林藥草諸樹隨其大小
漸增茂好諸佛之法常以一味
令諸世間普得具足漸次修行
皆得道果聲聞緣覺處於山林
住最後身聞法得果是名藥草
各得增長若諸菩薩智慧堅固
了達三界求最上乘是名小樹
而得增長復有住禪得神通力
聞諸法空心大歡喜放無數光
度諸衆生是名大樹而得增長
如是迦葉佛所說法譬如大雲
以一味雨潤於人華各得成實
迦葉當知以諸因緣種種譬喻
開示佛道是我方便諸佛亦然
今爲汝等說最實事諸聲聞衆

皆非滅度汝等所行是菩薩道
漸漸修學悉當成佛

妙法蓮華經授記品第六

爾時世尊說是偈已告諸大眾
唱如是言我此弟子摩訶迦葉
於未來世當得奉覲三百萬億
諸佛世尊供養恭敬尊重讚歎
廣宣諸佛無量大法於寂後身
得成為佛名曰光明如來應供
正徧知明行足善逝世間解無
上士調御丈夫天人師佛世尊
國名光德劫名大莊嚴佛壽十

二小劫正法住世二十小劫像

法亦住二十小劫國界嚴飾無

諸穢惡瓦礫荆棘便利不淨其

土平正無有高下坑坎堆阜瓊

瑠為地寶樹行列黃金為繩以

界道側散諸寶華周遍清淨其

國菩薩無量千億諸聲聞眾亦

復無數無有魔事雖有魔及魔

民皆護佛法爾時世尊欲重宣

此義而說偈言

告諸比丘我以佛眼見是迦葉

於未來世過無數劫當得作佛

而於來世供養奉觀三百萬億
諸佛世尊為佛智慧淨修梵行
供養最上二是尊已修習一切
無上之慧於最後身得成為佛
其土清淨琉璃為地多諸寶樹
行列道側金繩界道見者歡喜
常出好香散衆名華種種奇妙
以為莊嚴其地平正無有丘坑
諸菩薩衆不可稱計其心調柔
逮大神通奉持諸佛大乘經典
諸聲聞衆無漏後身法王之子
亦不可計乃以天眼不能數知
其佛當壽十二小劫正法住世
二十小劫像法亦住二十小劫
光明世尊其事如是
尔時大日捷連須菩提摩訶迦
旃延等皆悉悚慄一心合掌瞻
仰尊顏目不暫捨即共同聲而
說偈言

大雄猛世尊
哀愍我等故
若知我深心
如以甘露灑
如從飢國來

諸釋之法王
而賜佛音聲
見為授記者
除熱得清涼
忽遇大王德

心猶懷疑懼

未敢即便食

若復得三教

然後乃敢食

我等亦如是

每惟小乘過

不知當云何

得佛無上慧

雖聞佛音聲

言我等作佛

心尚懷憂懼

如未敢便食

若蒙佛授記

尔乃快安樂

大雄猛世尊

常欲安世間

願賜我等記

如飢須教食

尔時世尊知諸大弟子心之所

念告諸比丘是須菩提於當來

世奉觀三百萬億那由他佛供

養恭敬尊重讚歎常修梵行具

菩薩道於寂後身得成為佛号

日名相如來應供正徧知明行

足善逝世間解無上士調御文

夫天人師佛世尊劫名有寶國

名寶生其土平正頗梨為地寶

樹卉嚴無諸立坑砂礫荆棘便

利之穢寶華覆地周遍清淨其

土人民皆慶寶臺珍妙樓閣聲

聞弟子無量無邊算數譬喻所

不能知諸菩薩眾無數千萬億

那由他佛壽十二小劫正法住

世二十小劫像法亦住二十小劫其佛常處虛空為衆說法度脫無量菩薩及聲聞衆尔時世尊欲重宣此義而說偈言

諸比丘衆今告汝等皆當一心聽我所說我大弟子須菩提者當得作佛号曰名相當供無數萬億諸佛隨佛所行漸具大道寂後身得三十二相端正殊妙

猶如寶山其佛國土嚴淨第一衆生見者無不變樂佛於其中度無量衆其佛法中多諸菩薩

皆悉利根轉不退輪彼國常以善莊莊嚴諸聲聞衆不可稱數皆得三明具六神通住八解脫

有大威德其佛說法現於無量神通變化不可思議諸天人民

數如恒沙皆共合掌聽受佛語

其佛當壽十二小劫正法住世二十小劫像法亦住二十小劫

尔時世尊復告諸比丘衆我今語汝是大迦旃延於當來世以諸供具供養奉事八千億佛恭敬尊重諸佛滅後各起塔廟高

千由旬縱廣正等五百由旬以
金銀瑠璃磲磔瑪瑙真珠玫瑰
七寶合成眾華瓔珞塗香抹香
燒香繒蓋幢幡供養塔廟過是
已後當復供養二萬億佛亦復
如是供養是諸佛已具菩薩道
當得作佛号曰闍浮那提金光
如來應供正徧知明行足善逝
世間解無上士調御丈夫天人
師佛世尊其土平正頗梨為地
寶樹在嚴黃金為繩以界道側
妙華覆地周遍清淨見者歡喜
無四惡道地獄餓鬼畜生阿脩
羅道多有天人諸聲聞眾及諸
菩薩無量萬億在嚴其國佛壽
十二小劫正法住世二十小劫
像法亦住二十小劫尔時世尊
欲重宣此義而說偈言

諸比丘眾皆一心聽如我所說
真實無異是迦旃延當以種種
妙好供具供養諸佛諸佛滅後
起七寶塔亦以華香供養舍利
其最後身得佛智慧成正覺
國土清淨度脫無量萬億眾生

皆為十方之所供養佛之光明
無能勝者其佛号曰閻浮金光
菩薩聲聞斷一切有無量無數
莊嚴其國

尔時世尊復告大衆我今語汝
是大目犍連當以種種供具供
養八千諸佛恭敬尊重諸佛滅
後各起塔廟高千由旬築廣正
等五百由旬以金銀瑠璃磚磲
瑪瑙真珠玫瑰七寶合成衆華
纓珞塗香料香燒香繒蓋幢幡
以用供養過是已後當復供養

二百萬億諸佛亦復如是當得
成佛号曰多摩羅跋旃檀香如
來應供正徧知明行足善逝世
間解無上士調御丈夫天人師
佛世尊劫名喜滿國名意樂其
土平正頗棘為地寶樹莊嚴散
真珠華周徧清淨見者歡喜多
諸天人菩薩聲聞其數無量佛
壽二十四小劫正法住世四十
小劫佛法亦住四十小劫尔時
世尊欲重宣此義而說偈言
我此弟子大目犍連捨是身已

得見八千二百萬億諸佛世尊
為佛道故供養恭敬於諸佛所
常修梵行於無量劫奉持佛法
諸佛滅後起七寶塔長表金刹
華香伎樂而以供養諸佛塔廟
漸漸具足菩薩道已於意樂國
而得作佛号多摩羅旃檀之香
其佛壽命二十四劫常為天人
演說佛道聲聞無量如恒河沙
三明六通有大威德菩薩無數
志固精進於佛智慧皆不退轉
佛滅度後正法當住四十小劫
像法亦尔我諸弟子威德具足
其數五百皆當授記於未來世
咸得成佛我及汝等宿世因緣
吾今當說汝等善聽

妙法蓮華經化城喻品第七

佛告諸比丘乃往過去無量無

邊不可思議阿僧祇劫尔時有
佛名大通智勝如來應供正徧
知明行足善逝世間解無上士
調御丈夫天人師佛世尊其國
名好城劫名大相諸比丘彼佛
滅度已來甚大久遠譬如三千

大千世界所有地種假使有人磨以為墨過於東方千國土乃下一點大如微塵又過千國土復下一點如是展轉盡地種墨於汝等意云何是諸國土若等師若等弟子能得邊際知其數不不也世尊諸比丘是人所經國土若點不點盡抹為塵一塵一劫彼佛滅度已來復過是數無量無邊百千萬億阿僧祇劫我以如來知見力故觀彼久遠猶如今日尔持世尊欲重宣此義而說偈言

我念過去世有佛兩足尊如人以力磨盡此諸地種過於千國土如是展轉點如是諸國土復盡抹為塵此諸微塵數彼佛滅度來如來無礙智

無量無邊劫名大通智勝三千大千土皆悉以為墨乃下一塵點盡此諸塵墨點與不點等一塵為一劫其劫復過是如是無量劫知彼佛滅度

及聲聞菩薩

如見今滅度

諸比丘當知

佛智淨微妙

無漏無所礙

通達無量劫

佛告諸比丘六遠智勝佛壽五百四十萬億那由他劫其佛本坐道場破魔軍已垂得阿耨多羅三藐三善畏而諸佛法不現在前如是一小劫乃至十小劫結加跌坐身心不動而諸佛法猶不在前尔時初刹諾天先為彼佛於菩提樹下敷師子座高一由旬佛於此坐當得阿耨多羅三藐三菩提適坐此座時諸梵天三雨聚天華百由旬香風時來吹去萎華更雨新者如是三不經滿十小劫供養於佛乃至滅度常雨此華四王諸天為供養佛常擊天鼓其餘諸天作天伎樂滿十小劫至于滅度亦復如是諸比丘大通智勝佛過十小劫諸佛之法乃現在前成阿耨多羅三藐三菩提其佛未出家時有十六子其第一者名曰智積諸子各有種種珍異玩

好之具聞父得成阿耨多羅三
藐三菩提皆捨所珍位詣佛所
諸母涕泣而隨送之其相轉輸
聖王與一百大臣及餘百千萬
億人民皆共圍遶隨至道場咸
欲親近大通智勝如來供養恭
敬尊重讚歎到已頭面禮足繞
佛畢已一心合掌瞻仰世尊以
偈頌曰

大威德世尊
於無量億歲
諸願已具足

為度眾生故
尔乃得成佛
善哉言無上

世尊甚希有
身體及手足
其心常憺怕
究竟永寂滅

一坐十小劫
靜然安不動
未曾有散亂
安住無漏法

今者見世尊
我等得善利
眾生常苦惱
不識苦盡道
長夜增惡趣
從真入於真
今佛得寂上
我等及天人

安隱成佛道
稱慶大歡喜
盲冥無導師
不知求解脫
減損諸天眾
永不聞佛名
安隱無漏法
為得最大利

是故咸稽首

歸命無上尊

尔時十六王子偈讚佛已勸請世尊轉於法輪咸作是言世尊說法多所安隱憐愍饒益諸天人民重說偈言

世雄無等倫

百福自在嚴

得無上智慧

願為世間說

度脫於我等

及諸衆生類

為分別顯示

令得是智慧

若我等得佛

衆生亦復然

世尊知衆生

深心之所念

亦知所行道

又知智慧力

欲樂及修福

宿命所行業

世尊悉知已

當轉無上輪

佛告諸比丘大通智勝佛得阿

耨多羅三藐三菩提時十方各

五百萬億諸佛世界六種震動

其國中間幽冥之處日月威光

所不能照而皆大明其中衆生

各得相見咸作是言此中云何

忽生衆生又其國界諸天宮殿

乃至梵宮六種震動大光普照

遍滿世界勝諸天光尔時東方

五百萬億諸國土中梵天宮殿

光明照耀倍於常明諸梵天王
各作是念今昔宮殿光明音所
未有以何因緣而現此相是時
諸梵天王即各相詣共議此事
時彼眾中有一大梵天王名救
一切為諸梵眾而說偈言

我禁諸宮殿

光明音示有
宜各共求之

此是何因緣

為佛出世間

而此大光明

遍照於十方

爾時五百萬億國土諸梵天王

與宮殿俱各以衣戒盛諸天華

共詣西方推尋是相見大通看

勝如來處于道場菩提樹下坐

師子座諸天龍三乾闥婆緊那

羅摩睺羅伽人非人等恭敬圍

遶及見十六王子請佛轉法輪

即時諸梵天王頭面禮佛遶百

千匝即以天華而散佛上其所

散華如須彌山并以供養佛菩

提樹其菩提樹高十由旬華供

養已各以宮殿奉上彼佛而作

是言唯見哀愍饒益我等所願

宮殿願垂納處時諸梵天王即

於佛前一心同聲以得頌曰

世尊甚希有

難可得值遇

具無量功德

能救護一切

天人之大師

哀愍於世間

十方諸眾生

普皆蒙饒益

我等所從來

五百萬億國

捨深禪定樂

為供養佛故

我等先世福

宮殿甚嚴飾

今以奉世尊

惟願哀納受

爾時諸梵天王偈讚佛已各作

是言惟願世尊轉於法輪度脫

眾生開涅槃道時諸梵天王一

心同聲而說偈言

世雄兩足尊

惟願演說法

以大慈悲力

度苦惱眾生

爾時大通智勝如來默然許之

又諸比丘東南方五百萬億國

土諸大梵王各自見宮殿光明

照耀昔所未有歡喜踊躍生希

有心即各相詣共議此事時彼

眾中有一大梵天王名曰大悲

為諸梵眾而說偈言

是事何因緣

而現如此相

我等諸宮殿

光明昔未有

為大德天生

為佛出世間

未曾見此相

當共一心求

過千萬億土

尋光共挂之

多是佛出世

度脫苦眾生

爾時五百萬億諸梵天王與宮

殿俱各以衣被盛諸天華共詣

西北方推尋是相見大通智勝

如來處于道場菩提樹下坐師

子座諸天龍王乾闥婆緊那羅

摩睺羅伽人非人等恭敬圍遶

及見十六王子請佛轉法輪時

諸梵天王頭面禮佛遶百千而

即以天華而散佛上所散之華

如須彌山并以供養佛菩提樹

華供養已各以宮殿奉上彼佛

而作是言惟見哀愍饒益我等

所獻宮殿願垂納處爾時諸梵

天王身於佛前一心同聲以偈

頌曰

聖主天中天

迦陵頻伽聲

哀愍眾生者

我等今敬礼

世尊甚希有

久遠乃一現

一百八十劫

空過無有佛

三惡道充滿

諸天眾減少

今佛出於世 為衆生作眼
世間所歸趣 救護於一切

為衆生之父 哀愍饒益者
我等宿福慶 今得值世尊

爾時諸梵天三偈讚佛已各作
是言唯願世尊哀愍一切轉於

法輪度脫衆生時諸梵天王一
心同聲而說偈言

大聖轉法輪 顯示諸法相
度苦惱衆生 今得大歡喜

衆生聞此法 得道若生天
諸惡道減少 忍善者增益

爾時大通智勝如來嘿然許之
又諸比丘南方五百萬億國土

諸大梵王各自見官殿光明照
耀昔所未有歡喜踊躍生希有

心即各相詣共議此事以何因
緣我等官殿有此光曜而被衆

中有一大梵天王名曰妙法為
諸梵衆而說偈言

我等諸官殿 光明甚熾曜
此非無因緣 是相宜求之

過於百千劫 未曾見是相
為大德天生 為佛出世間

尔時五百萬億諸梵天王與宮
殿俱各以衣祴盛諸天華共詣
北方推尋是相見大通智勝如
來處于道場菩提樹下坐師子
座諸天龍王乾闥波緊那羅摩
睺羅伽人非人等恭敬圍遶及
見十六王子請佛轉法輪時諸
梵天王頭面禮佛繞百千匝即
以天華而散佛上所散之華如
須彌山并以供養佛菩提樹華
供養已各以宮殿奉上彼佛而
作是言唯見哀愍饒益我等所
獻宮殿願垂納處尔時諸梵天

王即於佛前一心同聲以偈頌

世尊甚難見

破諸煩惱者

過百三十劫

今乃得一見

諸飢渴衆生

以法雨充滿

昔所未曾觀

無量智慧者

如優曇鉢華

今日乃值遇

我等諸宮殿

蒙光故嚴飾

共尊大慈愍

惟願垂納受

尔時諸梵天王偈讚佛已各作

是言惟願世尊轉於法輪令一

切世間諸天魔梵沙門婆羅門
皆獲安隱而得度脫時諸梵天
王一心同聲以偈頌曰

惟願天人尊

轉無上法輪

擊于大法鼓

而吹大法螺

普雨大法雨

度無量衆生

我等咸歸請

當演深遠音

爾時大通智勝如來嘿然許之

西南方乃至下方亦復如是爾

時上方五百萬億國土諸大梵

王皆悉自觀所止宮殿光明威

曜昔所未有歡喜踊躍生希有

心即各相詣共議此事以何因

緣我等宮殿有斯光明時彼衆

中有一大梵天王名日尸棄為

諸梵衆而說偈言

今以何因緣

我等諸宮殿

威德光明曜

嚴飾未曾有

如是之妙相

昔所未聞見

為大德天生

為佛出世間

介時五百萬億諸梵天王與宮

殿俱各以衣祴威諸天華共詣

下方推尋是相見大通智勝如

來處于道場菩提樹下坐師子

座諸天龍王乾闥婆緊那羅摩
睺羅伽人非人等恭敬圍遶及
見十六王子請佛轉法輪時諸
梵天王頭面禮佛繞百千匝即
以天華而散佛上所散之華如
須弥山并以供養佛菩提樹華
供養已各以宮殿奉上彼佛而
作是言惟見哀愍饒益我等所
獻宮殿願垂納慶時諸梵天王
即於佛前一心同聲以得頌曰
善哉見諸佛
能於三界救
救世之聖尊
勉出諸眾生

普智天人尊
能開甘露門
於昔無量劫
世尊未出時
三惡道增長
諸天衆轉減
不從佛聞法
色力及智慧
罪業因緣故
住於邪見法
不蒙佛所化
佛為世間眼

愍哀群萌類
廣度於一切
空過無有佛
十方常暗暝
阿脩羅亦盛
死多墮惡道
常行不善事
斯等皆減少
失樂及樂想
不識善儀則
常墮於惡道
久遠時乃出

哀愍諸衆生

故現於世間

超出成正覺

我等甚欣慶

及餘一切衆

喜歎未曾有

我等諸宮殿

蒙光故嚴飾

今以奉世尊

惟垂哀納受

願以此功德

普及於一切

我等與衆生

皆共成佛道

爾時五百萬億諸梵天王偈讚

佛已各白佛言惟願世尊轉於

法輪多所安隱多所度脫時諸

梵天王而說偈言

世尊轉法輪

擊甘露法鼓

度苦惱衆生

開示涅槃道

唯願受我請

以大微妙音

哀愍而敷演

無量劫習法

爾時大通智勝如來受十方諸

梵天王及十六王子請即時三

轉十二行法輪若沙門婆羅門

若天魔梵及餘世間所不能轉

謂是苦是苦集是苦滅是苦滅

道及廣說十二因緣法無明緣

行行緣識識緣名色名色緣六

入六入緣觸觸緣受受緣愛愛

緣取取緣有有緣生生緣老死

憂悲苦惱無明滅則行滅行滅
則識滅識滅則名色滅名色滅
則六入滅六入滅則觸滅觸滅
則受滅受滅則愛滅愛滅則取
滅取滅則有滅有滅則生滅生
滅則老死憂悲苦惱滅佛慈天
人大衆之中說是法時六百萬
億那由他人以不受一切法故
而於諸漏心得解脫皆得深妙
禪定三明六通具八解脫第二
第三第四說法時千萬億恒河
沙那由他等衆生亦以不受一
切法故而於諸漏心得解脫從
是已後諸聲聞衆無量無邊不
可稱數亦時十六王子皆以童
子出家而為沙彌諸根通利智
慧明了已曾供養百千萬億諸
佛淨修梵行求阿耨多羅三藐
三菩提俱白佛言世尊是諸無
量千萬億大德聲聞皆已成就
世尊亦當為我等說阿耨多羅
三藐三菩提法我等聞已皆共
修學世尊我等志願如來知見
深心所念佛自證知爾時轉輪

聖王所將衆中八萬億人見十
六王子出家亦求出家王即聽
許尔時彼佛受沙彌請過二萬
劫已乃於四衆之中說是大乘
經名妙法蓮華教菩薩法佛所
護念說是經已十六沙彌為阿
耨多羅三藐三菩提故皆共受
持諷誦通利說是經時十六菩
薩沙彌皆忘信受聲聞衆中亦
有信解其餘衆生千萬億種皆
生疑惑佛說是經於八千劫未
曾信廢說此經已即入靜室住
於禪定八萬四千劫是時十六
菩薩沙彌知佛入室寂然禪定
各昇法座亦於八萬四千劫為
四部衆廣說分別妙法華經一
一皆度六百萬億那由他恒河
沙等衆生示教利喜令發阿耨
多羅三藐三菩提心大通智勝
佛過八萬四千劫已從三昧起
徃詣法座安詳而坐普告大衆
是十六菩薩沙彌甚為希有諸
根通利智慧明了已曾供養無
量千萬億數諸佛於諸佛所常

修梵行受持佛智開示衆生令
入其中汝等皆當數數親近而
供養之所以者何若聲聞辟支
佛及諸菩薩能信是十六菩薩
所說經法受持不毀者是人皆
當得阿耨多羅三藐三菩提如
來之慧佛告諸比丘是十六菩
薩常樂說是妙法道華經一一
菩薩所化六百萬億那由他恒
河沙等衆生世世所生與菩薩
俱從其聞法悉皆信解以此因
緣得值四萬億諸佛世尊于今
不盡諸比丘我今語汝彼佛弟
子十六沙弥今皆得阿耨多羅
三藐三菩提於十方國土現在
說法有無量百千萬億菩薩聲
聞以為眷屬其二沙弥東方作
佛一名阿閼在歡喜國二名須
弥頂東南方二佛一名師子音
二名師子相南方二佛一名虛
空住二名常滅西南方二佛一
名帝相二名梵相西方二佛一
名阿弥陀二名度一切世間苦
惱西北方二佛一名多摩羅跋旃

檀香神通二名須弥相北方二
佛一名雲自在二名雲自在三
東北方佛名壞一切世間怖畏
第十六我釋迦牟尼佛於娑婆
國土成阿耨多羅三藐三菩提
諸比丘我等為沙弥時各各教
化無量百千萬億恒河沙等衆
生從我聞法為阿耨多羅三藐
三菩提此諸衆生于今有住聲
聞地者我常教化阿耨多羅三
藐三菩提是諸人等應以是法
漸入佛道所以者何如來智慧
難信難解尔時所化無量恒河
沙等衆生者汝等諸比丘及我
滅度後未來世中聲聞弟子是
也我滅度後復有弟子不聞是
經不知不覺菩薩所行自於所
得功德生滅度想當入涅槃我
於餘國作佛更有異名是人雖
生滅度之想入於涅槃而於彼
土求佛智慧得聞是經唯以佛
乘而得滅度更無餘乘除諸如
來方便說法諸比丘若如來自
知涅槃時到衆又清淨信解堅

固了達空法深入禪定便集諸
菩薩及聲聞衆爲說是經世間
無有二乘而得滅度唯一佛乘
得滅度耳比丘當知如來方便
深入衆生之性知其志樂小法
深著五欲爲是等故說於涅槃
是人若聞則便信受譬如五百
由旬險難惡道曠絕無人怖畏
之處若有多衆欲過此道至珍
寶處有一導師聰慧明達善知
險道通塞之相將導衆入欲過
此難所將入衆中路懈退白導
師言我等疲極而復怖畏不能
復進前路猶遠今欲退還導師
多諸方便而作是念此等可憊
云何捨大珍寶而欲退還作是
念已以方便力於險道中過三
百由旬化作一城告衆人言汝
等勿怖莫得退還今此大城可
於中止隨意所作若入是城快
得安隱若能前至寶所亦可得
去是時疲極之衆心大歡喜歎
未曾有我等今者免斯惡道快
得安隱於是衆人前入化城生

已度想生安隱想尔時導師知
此人衆既得止息無復疲倦即
滅化城語衆人言汝等去來實
憂在近向者大城我所化作爲
止息耳諸比丘如來亦復如是
今爲汝等作大導師知諸生死
煩惱惡道險難長遠應去應度
若衆生但聞一佛乘者則不欲
見佛不欲親近便作是念佛道
長遠及受勤苦乃可得成佛知
是心怯弱下劣以方便力而於
中道爲止息故說二涅槃若衆
生住於二地如來尔時即便爲
說汝等所作未辦汝所住地近
於佛慧當觀察等量所得涅槃
非真實也但是如來方便之力
於一佛乘分別說三如彼導師
爲止息故化作大城既知息已
而告之云寶處在近此城非實
我化作耳尔時世尊欲重宣此
義而說偈言

大通智勝佛

十劫坐道場

佛法不現前

不得成佛道

諸天神龍王

阿脩羅衆等

常雨於天華
諸天擊天鼓

以供養彼佛
并作樂伎樂

香風吹萎華

更雨新好者

過十小劫已

乃得成佛道

諸天及世人

心皆懷踊躍

彼佛十六子

皆與其眷屬

千萬億圍遶

俱行至佛所

頭面禮佛足

而請轉法輪

聖師子法雨

充我及一切

世尊甚難值

久遠時一現

為覺悟群生

震動於一切

東方諸世界

五百萬億國

梵宮殿光耀

昔所未曾有

諸梵見此相

尋來至佛所

散華以供養

并奉上宮殿

請佛轉法輪

以偈而讚歎

佛知時未至

受請默然坐

三方及四維

上下亦復尔

散華奉宮殿

諸佛轉法輪

世尊甚難值

願以大慈悲

廣開甘露門

轉無上法輪

無量慧世尊

受彼眾人請

為宣種種法

四諦十二緣

無明至老死

皆從生緣有

如是眾過患

汝等應當知

宣暢是法時

六百萬億那

得盡諸苦際

皆成阿羅漢

第二說法時

千萬恒沙眾

於諸法不受

亦得阿羅漢

從是後得道

其數無有量

萬億劫算數

不能得其邊

時十六王子

出家作沙彌

皆共請彼佛

演說大乘法

我等及營徒

皆當成佛道

願得如世尊

慧眼第一淨

佛知童子心

宿世之所行

以無量因緣

種種諸譬喻

說六波羅蜜

及諸神通事

分別真實法

菩薩所行道

說是法華經

如恒河沙偈

彼佛說經已

靜室入禪定

一心一處坐

八萬四千劫

是諸沙彌等

知佛禪示出

為無量億眾

說佛無上慧

各各坐法座

說是大乘法

於佛宴寂後

宣揚助法化

一一沙彌等

所度諸眾生

有六百萬億

恒河沙等眾

彼佛滅度後
在在諸佛土
是十六沙弥
今現在十方
尔時聞法者
其有住聲聞

我在十六數
是故以方便

以是本因緣
令汝入佛道

譬如險惡道

又復無水草

無數千萬眾

其路甚曠遠

時有一導師

明了心決定

眾入皆疲倦

我等今頓乏

導師作是念

如何欲退還

尋時思方便

化作大城郭

周匝有園林

重門高樓閣

是諸聞法者

常與師俱生

具足行佛道

各得成正覺

各在諸佛所

漸教以佛道

曾亦為汝說

引汝趣佛慧

今說法華經

慎勿懷驚懼

迫絕多毒獸

人所怖畏處

欲過此險道

經五百由旬

強識有智慧

在險濟眾難

而白導師言

於此欲退還

此輩甚可憐

而失大珠寶

當設神通力

莊嚴諸舍宅

渠流及浴池

男女皆充滿

即作是化已
汝等入此城
諸人既入城
皆生安隱想
導師知息已
汝等當前進
我見汝疲極
故以方便力
汝今勤精進
我亦復如是
見諸求道者
不能度生死
故以方便力
言汝等苦滅
既知到涅槃
尔乃集大衆
諸佛方便力
唯有一佛乘
今為汝說實
為佛一切智
汝證一切智
具三十二相
諸佛之導師
既知是息已

慰衆言勿懼
各可隨所樂
心皆大歡喜
自謂已得度
集衆而告言
此是化城耳
中路欲退還
權化作此城
當共至寶所
為一切導師
中路而解瘵
煩惱諸險道
為息說涅槃
所作皆已辯
皆得阿羅漢
為說真實法
分別說三乘
息處故說二
汝所得非滅
當發大精進
十力等佛法
乃是真實滅
為息說涅槃
引入於佛慧

